

BATHONIENSIIUM  
ET  
AQUISGRANENSIIUM  
Thermarum  
COMPARATIO

*Variis adjunctis illustrata.*

R. P. Epistola ad Illustrissimum  
Virum,

ROGERUM Castlemaini Comitem.

---

Θερμὰ νυμφῶν λυτὰ Βασίλῳ.


Pind. Ol. Ode 12.

---

L O N D I N I :

Impensis J. Martyn, ad Insigne Cam-  
panæ in Cœmeterio D. Pauli.

M D C L X X V I.

---

  
Imprimatur,

Jan. 11. 167 $\frac{1}{2}$ .

Ro. L'Eſtrange.

---

---

---

# LECTORI

Typographus.

**P***Aucis te, Le-  
ctor, moni-  
tum volo, E-  
pistolam hanc Illu-  
strissimo Optimati,  
cui inscripta est, soli  
primùm destinatam ;  
annuente deinde Au-  
tore, meis typis hîc  
A 2 vulgari,*


## LECTORI

vulgari, utpote allaturam exteris pleniorē fortasse quā aliunde Thermarum nostrarum, nostratibusque pariter Aquilgranensium inferioris Germaniæ celeberrimarum notitiam utique non ingratam. Quod si cui minera, mineralia & perpaucula huiusmodi vocabula tanquam



TYPOGRAPHUS.

quam à priscâ Lati-  
nitate abhorrentia,  
quamvis modò pas-  
sim à scriptoribus  
usitata, minus place-  
ant, consultò certè se  
Autor his usum esse  
profitetur, cui clarita-  
tis potior in re tan-  
tillâ quàm scrupulo-  
si Grammaticorum  
fastidii ratio fuit.  
Vale.



---

---

Illustrissimo Domino

R O G E R O

Castlemaini Comiti.

R. P.

S. P. D. *Leodium.*

§.1. **Q**Uæris ut vale-  
am, Comes illu-  
strissime, quid  
de Bathonianis his thermis,  
de loci situ atq; amœnita-  
te, de huc modò adventan-  
tium frequentia convictuq;  
sentiam, quantum denique  
à Germanicis illis discre-  
pent quibus unà nonnun-

A 4 quam

quam jucundissimè usi sumus. Meliusculè mihi jam est, & convalescendi spes non mediocris indies crescit; erectioreque sum animo quòd intelligam me tibi, viro quo nihil amabilius, esse curæ, sanitatemq; meam quasi magni pretii rem tantopere tibi expetendam videri. Utinam sollicitudines de me tuas quotidie perinde ac tua benevolentia mea merita exacuant.

§. 2. De aquis porrò ad te scribenti obversatur animo suavissima illorum itinerum recordatio, quibus me comitem cùm in Britannia nostrâ, tum in exteris regionibus ascivisti, aquarum potissimum, ut  
alia

alia naturæ, abdita perspi-  
 cacissimo, quo polles, inge-  
 nio rimaturus. De We-  
 nefredano perenni fonte,  
 quem sacrum nuncupant, in  
 Flintensi agro, sub pervetu-  
 sti elegantisque operis sa-  
 cello, inter suavissimi odo-  
 ris musco convestita Mar-  
 tyrisque cruoris notas eti-  
 amnum retinentia saxa e-  
 bullientis in speciem pro-  
 rumpente, & de latissimis  
 ex quadrato lapide octogo-  
 nis parietibus affabrè de-  
 cussatis uberrimè summâque  
 vi exundante, affirmantem  
 te sæpe audivi, etiam post  
 celeberrima Europæ atque  
 Aſiæ peregrinantium vesti-  
 giis trita loca à te viſa, nul-  
 libi vel intuitu angustio-  
 remq; vel præſen-  
 tioris

Fons S.  
 Wenefre-  
 dæ, &c.

Horat. l. 3.  
Od. 13.

tioris numinis veneratione  
intimâ magis percellentem  
te unquam spectasse. Quid  
hîc memorem aut tribus  
quatuorve passuum millibus  
inde diffitum Asæ fontem  
gelidissimum latomorum ar-  
tificio cancellis circunda-  
tum, unde loquaces *lymphæ de-*  
*filiunt*, & per frangentia  
iras immania saxa in mur-  
mura & spumas abeunt:  
aut quem Dei Matri propè  
Asaphopolim in Denbigh-  
ensi agro dicarunt veteres ex  
antiquissimi sacelli ruderi-  
bus placidissimo lapsu in vi-  
cinos saltus & prata viren-  
tia profluentem; quos sanè  
uno eodemq; die tres memo-  
randos fontes adivimus?  
Ut Spadani cœli amœni-  
tate scaturiginumque salu-  
berri-

berrimarum beneficio solutiore animo tecum perfruerer, ex Galliâ invitatum ad restinguendos quos *flagrantis atrox hora canicula* tunc excitabat calores, tibi socium adhibuisti. Cujus ego commorationis, quamvis brevissimæ, consuetudinisq; tuæ voluptatem, si cum Tunbridgianâ nostratium Epsamianave rusticatione conferam, amens sim.

*Horat. ib.*

§. 3. In illo itinere de perennibus juxta Rhenum acidulis tum solis nonnumquam à nobis potis, tum crebriùs vino mixtis, perspexi judicii tui acumen, quippe qui vitium stirpes acidulis his nutritas ejusdem coeli solique naturam hau.

*Acidulæ ad Rhenum.*

haurire, & simili penè cognatoque sapore id testari animadverteris. Nusquam sanè feliciora Bacchus & Naiades quàm ad Rheni Mosellæque ripas connubia ineunt, quoties vino infusæ subitò hæ aquæ velut intra vitrum ferventes in candidam sumi nubeculam coeunt, gratissimoque tum sapore tum frigore & famem acuunt & restinguunt sitim. Quod cùm aliàs sæpe, tum Hochstii ad Mœnum cum Francofurto rediremus ab agili convivâ exhibitum nobis spectaculum perplacuisse memini. De Schwalbacensibus Acidulis aliorum iudicio nixus es, quas nimirum ultrà properanti in transitu tantùm degustare



deguſtare licuit, quæque  
 vitrioli, ſulphuris, ſaliſque  
 cryſtallini admittance non  
 modò ſubacido quodam ju-  
 cundoque ſapore plerisque  
 Germanicis præſtant, ſed  
 quamplurimis etiam meden-  
 tur morbis, dum redundan-  
 tia abſumunt exſiccant-  
 que, obſtruentia removent,  
 viſcera conſtringendi qua-  
 dam amicâ vi corroborant,  
 detergunt viſcida, alvum  
 deniq; aliis laxant, aliis ad-  
 ſtringunt, ut fuſiùs docet  
 Joannes Hempelius Medi-  
 cus apud Gregorium Horſti-  
 um in diſſertatione de Ther-  
 marum naturâ, Gieſſæ edita  
 Anno Chriſti, MDCXVIII.

§. 4. Παρά τῷ ἱσθμῷ ἐς Vinum  
 ſet neque hujus loci, dum de Rhena-  
 aquis num mul-  
 tiplex.

aquis duntaxat sermo est,  
 quid de cujusque soli vino  
 tunc senseris, sive quòd Bac-  
 chari, hoc est, ipsius *Bacchi*  
*ad aram*, libavimus, ubi inter  
 œnopolii arcana didicimus  
 Inulæ radices transferendis  
 in exteras oras illius vini  
 cadis immitti solitas, sive  
 quod Binghii Rincovianum  
 & penè è regione Hochami  
 in Michaelbergenfi Mogun-  
 tinorum Carthusiâ, Argen-  
 torati quoque omnium ve-  
 rustissimum, annorum quip-  
 pe tunc prope ducento-  
 rum; denique Heydel-  
 bergæ supra ingens illud fa-  
 mâque ipsâ grandius Pala-  
 tinæ aulæ dolium de mo-  
 re consistentes, Serenissimi  
 Principis jussu hospitali  
 computatione ab ejus auli-  
 cis

Heydel-  
 bergense  
 dolium.

cis excepti potavimus. Cuius sanè dolii præconia Poëtarum quorundam carminibus parieti affixa cùm cerneret, hanc quoque convivæ inter nos paulò hilarioris nomine à me Oden penè extemporaneam elicisti :

*Huc, huc remotis quotquot à plagis ciet  
 Haud vana fama buccina,  
 Huc advolate. Numen angusto suum  
 Non hic Lyæus poculo  
 Partitur : ingens ipse in immensâ sedet  
 Regnator aulâ, divites (graves  
 Dum lustrat Indos quantus, aut quantus  
 Vibrare thyrsos dicitur,  
 Cùm festa plenis orgia urgentem scyphis  
 Mille insequuntur Thyades.  
 Hoc fonte, si cui Caesarum est cordi salus  
 Regumve, vota profluunt*

*Injussa:*

*Injussa: amicum libero absentem coli  
Cratere Liber vult Deus.*

*Haurite. Quod si Phyllidis torrant faces  
Restinguet hic latex magè, an (dus  
Augebit astum? Nullus à Baccho est mo-  
Insanienti dulcius.*

*Evoc bibamus: mandat hoc Rheni arbiter  
Cui nunc salutem dicimus.*

*Et, unde moles annuo hac censu tumet,  
Hoc Rhenus, hoc Nigrus velit.*

§. 5. Sed redeundum,  
unde tantulùm mihi digre-  
di volupe fuit, ad aquarum  
inspectionem; immò à ge-  
lidis tandem ad calidas  
transeundum. Peragrato  
Rheni tractu Coloniâ A-  
grippinâ Juliacum, inde  
Aquisgranum reversi sub-  
stitimus dies aliquot, in urbe  
cùm vetustatis monumentis  
tum salutaribus thermis  
clarif.

clarissimâ, quarum sanè ex  
 Francisci Fabricii Rure-  
 mundani Aquensis olim  
 medici, à Baccio etiam ci-  
 tati, lucubrationibus cum  
 Bathoniensibus his nostris  
 similitudinem aliquam,  
 qualem à me nunc poscis,  
 Thomas Guidottus, hujus  
 loci etiam medicus, in libel-  
 lo ab se edito, ingeniosè an-  
 notavit.

*In Appen-  
 dice, c. 5.*

§. 6. Ac primùm quem-  
 admodùm Granus quidam  
 Neronis Cæsaris, ut aiunt,  
 frater, illas thermas inter  
 montes sylvasque invenisse  
 fertur, ibique in extructâ  
 ab se arce habitasse, cujus  
 etiam suo tempore vestigi-  
 um aliquod extitisse asserit  
 Ruremundanus, vocatamq;

Aquisgra-  
 nensium &  
 Bathoni-  
 ensium  
 thermarum com-  
 paratio.

B

Turrim

Turrim Grani: ita non minoris, immo haud paulò majoris vetustatis, quippe annorum ante Virginis partum circiter nonaginta supra octingentos inventorem jactant hæc balnea, nempe Bladudum Britannorum Regem pariter ac Philosophum insignem, philosophicis mathematicisque disciplinis undecim ipsos annos Athenis excultum, si Balæo credimus, cujus fidem in iis tantum quæ religionem attingunt non immeritò elevat Joannes Pitseus initio libri sui *de illustribus Angliæ scriptoribus*. Ab hoc, sicuti ab illo *Aquæ Grani*, & non nihil immutato postea vocabulo, *Aquisgranum*, ita Britannicè *Caer Bladud*, priusquam

*De Scriptorib.*

*Angl. nota de Balæo.*

usquàm à Balneis *Bathonia*  
 dicta est hæc urbs : quam  
 porrò memorat Camdenus  
 noster Ptolemæum à thermis  
*ἰδατὰ θερμὰ*, Antoninum  
*Aquas solis*, Britannos *yr*  
*ennaint twimin*, Saxonas  
*Mmancheſter* nominasse.  
 Thermarum sanè æque ac  
 monumentorum omnium  
 aut etiam familiarum, nobi-  
 litas nimium quantum ab  
 antiquitatis laude exagger-  
 ratur, cùm novitas, quan-  
 tumvis aliis rebus ornata,  
 careat tamen illâ ætatis  
 quasi canitie, cui omnes  
 summum honorem tribuen-  
 dum censent. Qui ab ipsis  
 usque Romanorum apud U-  
 bios stationibus Neronisq;  
 Cæsaris temporibus Aquif-  
 granensium thermarum ce-

lebritatem arcessunt, fatentur prorsus quo sunt à nostrâ majorumq; nostrorum memoriâ remotiores, vetustate quoq; ipsâ fieri quodammodo sanctiores. De Aquisgranensibus thermis Conradus Gesnerus ipse Caroli Magni Cæsaris, qui Imperii sedem ibi fixit, hæc verba profert : *Cum vice quâdam pro meâ consuetudine venandi gratiâ egrederer, venissemque in opacam sylvam sequestratus à comitibus meis, inveni originem thermarum atq; palatiorum, quæ olim Granus, unus ex Romanis Principibus, frater Neronis & Agrippa primum construxerat, & jam vetustate quâdam collapsa erant, spinisq; & vepribus obducta. Hac ego rursus reparavi atque resarci,*

*Lib. 2. de  
thermis.*



resarciri, &c. At verò Bathonia nostra longiore multò seculorum serie ab antiquissimis temporibus derivatam thermarum suarum famam rectè gloriatur. Quam Britanni jam tum *Caër Palladwr*, hoc est, urbem Palladiæ aque dicebant, Solini Polyhistor ita denotat: *In Britannia sunt fontes calidi opiparo exculti apparatu ad usus mortalium, quibus [fontibus] præsul est Minervæ numen, in cujus ade perpetui ignes, &c.* Sed multò ante Romam conditam à Bladudo, ut dixi, Britannorum Rege Eliæ Prophetæ æquali, Bathoniensium thermarum celebritatem ostendisse, non de Aquisgranensibus modò sed plerisque aliis meritâ vetustatis laude triumphas-

se est. Equidem non infici-  
or, cùm in Germaniâ ejusq;  
finibus thermæ complures  
numerentur, Aquisgranen-  
sium præ cæteris famam ad  
nos exterosq; omnes perti-  
nere. Ut per mihi mirum  
videri debeat Philippum  
Grulingium Stolbergensem  
celebrem admodum scripto-  
rem, hominem Germanum  
(cujus mihi quatuor volu-  
minum, dum hîc moror, u-  
sum præstat Robertus Swa-  
leus amicus meus, hujus lo-  
ci per æstivos menses inter  
præcipuos medicus) dum  
reliquas Germaniæ suæ  
thermas accuratè percen-  
set, Aquisgranenses invi-  
dône, an obliuoso silentio  
præterire. Tolerabilior cer-  
tè in Andreâ Baccio homine  
Italo *Xαεγγεαφίας* error,  
qui

*L. 4. de  
Thermis.*

qui Aquisgranum in Brabantia collocat. At Urbem inferioris Germaniae celeberrimam, Imperii aliquando domicilium, unde inaugurandorum Cæsaram insignia etiam hodie comportantur, à Germano scriptore hic prætermitti quis æquo animo ferat ? Quam Bathoniensium thermarum notitiam Baccius cæteris hac super re scriptoribus impertit, accepisse se profitetur ex diligentia & studio clarissimi Viri Edvardi Carnii Cambro-Britanni Glamorganensis, Equitis aurati, apud Julium III. & Paulum IV. Pontifices Maximos Oratoris Regii, qui legatione perfunctus tandem Romæ est mortuus, sepul-

tusque ibidem in æde Divo Gregorio sacrâ, cum inscriptione ad posteritatis commemorationem permansurâ. Ejus familiæ, Carniorum nempe de Wenny, florentissimâ hærede, felici conjugio, modò fruitur, fruaturq; opto, quam diutissimè, Edoardus Mansellus Baronettus Margamii Dominus, cujus præteritæ in me humanitatis ac beneficiorum haud immemor (quicquid modò sit) honorificam hîc mentionem inferendam duxi.

Comparatio à locorum situ & balneis ipsis. §. 7. Deinde utramque urbem in valle sitam & montibus circumseptam, utramque consimili aëris salubritate, agris pinguibus irriguisq;

irriguisq; pascuis lætam, in  
 utrâq; pares aquarum sca-  
 turigines, & quæ ibi præci-  
 pua sunt balnea duo, *Casa-*  
*rianum* nimirum & *Cornelia-*  
*num* referre nostra tum *Re-*  
*gium* cum *Reginæ* adjuncto,  
 tum illud *Crucis*, ait idem  
 Guidottus. In *Porcetanorum*  
 verò balneorum cum *Equino*  
 nostro, quod est extra por-  
 tam hujus urbis australem,  
 collatione, mirum quantum  
 ignoratione loci, quem nun-  
 quam viderit, allucinatus  
 sit. Siquidem *Porcetana* illa  
 prope *Aquisgranum* & mil-  
 lia passuum ab urbe distant,  
 & suis quæque scatebris,  
 quod agnoscit etiam hic  
 autor, exæstuant, usque adeò  
 ferventibus, ut in eorum uno  
 alterove sive immerlis sive  
 aquâ

aquâ perfusis alitibus plu-  
 mas, & porcellis setas exi-  
 mi astantes ipsi viderimus:  
 cùm *Equinum* Bathoniæ bal-  
 neolum & urbis portam pe-  
 nê contingat, & defluente  
 tantùm è *Regio* balneo de-  
 fervescenteq; rivulo alatur.  
 Neque idcirco minùs fre-  
 quens *Porcetana* quam  
 cæterarum *Aquisgranensi-*  
 um thermarum usus, ut ar-  
 bitratur hîc autor, quòd vis  
 illis virtusq; minor in sit;  
 sed quòd ab urbe paulò re-  
 motiores minùs commoda  
 advenis hospitia præbeant.  
 Immo verò constat ex medi-  
 corum consilio istas etiam  
 sæpissimè propter singulares  
 earum virtutes à viris prin-  
 cipibus præ urbanis eligi.  
 Potuisset hîc etiam idem  
 autor,

autor, si ea loca adiisset;  
 similitudinem aliquam ani-  
 madvertere inter Bathoni-  
 ense *Leproforum* balneolum, &  
 quæ pauperibus admitten-  
 dis duo patent Aquisgrani,  
 quorum alterum est propè  
*Cornelianum*, ut cætera, te-  
 ctum; alterum verò in vi-  
 cino *Porcetanis* campo inter  
 mendicorum magalia sub  
 dio. Sed & multò illis an-  
 gustius est hoc *Leproforum*,  
 nec quemadmodum illa,  
 scaturigine suâ, sed uno  
 duntaxat rivulo alitur ex  
 adjuncto balneo, quod *Fer-  
 vidum* vocant, defluente.

§. 8. Inquirendum hîc Therma-  
rum calo-  
ris cau.æ.  
 esset, si vacaret, in therma-  
 rum omnium caloris causas  
 generatim, quæ aded sub  
 arcana

arcana reconditaq; telluris  
 adyta refugiunt, ut ad eas  
 vix ullus animo pateat adi-  
 cus, oculis omnino nullus,  
 nisi per cuniculos quosdam,  
 & meatus anfractusq; vel  
 casu contingentes, vel non  
 longè à terræ superficie de-  
 fossos. Subtilia plurimo-  
 rum ingenia investigatio  
 hæc semper fatigavit, dum  
 alii alias hujus caloris cau-  
 sas adferunt, ut videre est  
 apud Senecam, *Natura-  
 lium Quaestionum libro 3. ca-  
 pite 24.* Plerique olim, qui-  
 bus non pauci etiamnum  
 adhærescunt, sensere ignes  
 multis in locis terrâ opertos  
 transcurrentes aquas cale-  
 facere, videturque Baccio  
 clarissimum hujus haberi  
 exemplum inter Puteolos  
 &

*Lib. 1. de  
 thermis  
 cap. 18.*



& Neapolim in Campo  
 Vulcani qui *Sulphuraria* di-  
 citur, ubi per inclusas in sa-  
 lebroso collium ambitu sub-  
 terraneorum ignium la-  
 cunas aquæ permeant, quæ  
 lebetis instar ebullientis  
 perpetuò exæstuant. Alii  
 ad delitescentem intra tel-  
 luris recessus, non quidem  
 ignium, sed calidarum ex-  
 halationum copiam seculo-  
 rum diuturnitate aggestam  
 hæc revocant; quæ sicubi  
 bituminatam ac sulphure-  
 am nanciscuntur materiam  
 exardescunt illico, ferven-  
 tesque è terræ cuniculis  
 fontes egerunt; dumq; oc-  
 clusi spiritus & velut expi-  
 ratione interceptâ strangu-  
 lati foras perrumpere co-  
 nantur, ita cientur, ut mul-  
 tò

tō acrius recalescant. Accedit certē plurimū ad ignis proprietates exhalationum harum natura, unde etiam subinde Ignis vocatur, pari utique ratione quā in humano corpore juxta Philosophum, ἢ πέψις γίνεται ἀπὸ τοῦ ἐν τοῖς ὑγρῷ πυρεῖ, concoctio dicitur ab igne fieri qui est in humido. Neque enim immeritō febrem ab æstuante intus calore Græci πυρετὸν, Hippocrates etiam πῦρ aliquando nominat. Mihi verò liceat pedibus ire in Jordeni nostratis sententiam, qui explosio isto à subterraneis ignibus thermarum calore, à fermentatione quādam in telluris visceribus nonnullis in locis factā, fervorem aquarum omnem

omnem provenire asserit. Hanc sententiæ proximè à me recitatæ meo judicio valde affinem fusiùs probat illustratq; Joannes Mayow, in libro *de Bathoniensibus Thermis* nuper edito, ubi docet aërias particulas, quas unà cum aquis pluviis solum ipsum exorbet, sicubi salino-sulphureæ mineræ in intimis terræ visceribus occurrant, calorem admodum vehementem excitare, aquarumque tandem scatirigines è minerâ eo modo exæstuante profluentes thermas constituere. Particulis porro aëriis imbibendis, augendoque thermarum æstui nonnihil conducere arbitratur Mayow celsissimorum montium Bathoniam quo-

quoquo versus ambientium  
profundos præruptosque fi-  
nus, in quibus huc atque  
illuc repercussus aër acriore  
impulsu in terram penetrat:  
additque postremò in ho-  
rum confirmationem, in Ba-  
rthoniensibus his thermis  
mineram quandam inesse  
salino-sulphuream, marcha-  
fitis illis, ex quibus vitrio-  
lum conficitur, non omnino  
dissimilem, & proinde hu-  
juscemodi fermentationi  
fovendæ perquàm accom-  
modatam.

Minerali-  
um utro-  
biq; col-  
latio.

§. 9. Mineralia insuper,  
quibus utrobique præstant  
hæc balnea, paulum oppidò  
inter se differre affirmat  
idem Guidottus. Quod  
etiamsi ex ipso aquarum  
colo-

colore, odore, sapore non  
 satis liqueat, potest tamen  
 chymico artificio investiga-  
 ri demonstrarique. Etenim  
 ex antedicto Ruremundano  
*de Balneis Aquensibus*, te-<sup>Baccius,</sup>  
 ste itidem Baccio, con-<sup>lib. 4.</sup>  
 stat, *Casariani* illius balnei  
 aquam referre modis omni-  
 bus naturam sulphuris cum  
 admistione nitri modici:  
 nostrumq; hoc *Regium* ea-  
 dem refert, quamvis plus  
 nitri quam sulphuris, quibus  
 præcipuè etiam bitumen ad-  
 ditur, quod *Corneliano A-*  
*quensi* balneo inesse simi-  
 liter Ruremundano videtur.<sup>De Baln.</sup>  
 Edoardus Jordenus Batho-<sup>Aq. p. 21.</sup>  
 niensis antehac medicus in  
 luculento opere *de naturali*-<sup>cap. 16.</sup>  
*bus balneis aquisq; minerali-*  
*bus, Somersetanas* has thermas  
 C<sup>2</sup> bitu-

*Vide Gru-  
lingium  
de triplici  
universalis  
evacuatio-  
nis genere.  
parte 3. de  
balneis na-  
turalib.*

*Minerali-  
um in  
thermis  
medendi  
virtutes.*

bitumen præcipuè ac ni-  
trum cum aliquanto sul-  
phure continere docet; pro-  
indeque tum introrsum  
sumptas, tum immerfis cor-  
poribus extrinsecus peruti-  
les esse. Quod horum vim  
virtutemq; penitus inspi-  
cientibus passim autoribus  
probari intelligo. Siqui-  
dem Galeno teste *lib. 1. De*  
*tuendâ sanitate, cap. 6.* ple-  
risq; aquis, quæ medicâ pol-  
lent vi, exsiccandi facultas  
quædam inest; quæ, si  
etiam calefaciunt, frigida  
humidaq; intemperiei pro-  
sunt, morbisq; expituitâ con-  
tractis. Præcipuè verò quæ  
nitrosæ sunt strumarum tu-  
mores minuunt & nervorum  
vitia sanant, idque non ad-  
stringendo, sed abstergendo.  
Qua-

Quapropter & scabiem  
pellunt, & emendant cutem,  
medenturq; purulentis au-  
ribus instillatæ & earum in-  
flammationibus tinnitibus-  
que. Bituminosæ aquæ in-  
terioribus corporum vitiis  
medentur potæ, earum ve-  
rò balnea nervos calefaci-  
unt emolliuntque; cæterum  
caput implent, sensibusque,  
præsertim oculis, nocent. At  
verò sulphurææ nervos pari-  
ter emolliunt calefaciuntq;;  
& tum contracta resollen-  
do, tum laxa & tremula  
contrahendo doloresq; mi-  
tigando haud parùm pro-  
sunt. Quinimmo dolores ar-  
tuum discutiunt, medentur-  
que chiragræ, podagræ, cox-  
endicum cæterorumq; arti-  
culorum morbis: addo & je-

coris, lienis, uterique dolores, quorum etiam tumorem sedant. Ventriculo nihilominus obesse solent ; at ulcera scabiemque sanant, & lentigines, impetigines, vitiliginesque vel omnino tollunt vel certè minuunt.

Comparatio à balneorum utrobique numero.

§. 10. Aquisgranensia balnea (ut de vicinis *Porcetanis* nihil dicam) si rectè memini, sunt omnino sex, distinguunturq; his nominibus, nimirum, *Casariani*, *Corneliani*, *Sancti Quirini*, *Rose*, *Parvorum balneorum*, *Compusii* denique, quod vulgo etiam *Pauperum balneum* nominatur. Numerantur pariter *Bathonix* totidem ; nempe *Regium*, *Regina*, *Crucis*, *Fervidum*, *Leprosorum*, denique *Equinum*  
extra



extra urbis portam, quæ  
quantùm inter se discre-  
pent paucis expediam.

§. 11. Itaq; Jordeni po- cap. 17.  
tissimùm autoritate nixus,  
vix aliam ego horum  
balneorum dissimilitudinem  
statuo, (cùm ex iisdem  
mineriis profiliant, & bi- Bathoni-  
censia bal-  
nea quid  
inter se  
differant  
calore,  
minerali-  
bus, me-  
dendi vir-  
tute.  
tumen, sulphur ac nitrum  
perinde contrahant,) quàm  
quæ intensioribus remis-  
sioribusque caloris gra-  
dibus efficitur. *Regium*  
balneum fervore cate-  
ra & laxitate superat: ad  
cujus calorem proximè ac-  
cedit quod vulgo hæte-  
nus, tanquam κατ' ἐξοχήν,  
*Fervidi* nomen obtinuit;  
quamvis eodem caloris in-  
tervallo istuc quidem *Regio*

concedat, quo *Crucis* balneum illi quod *Regina* dicimus. Spectato igitur caloris gradu, tertio loco censetur *Regina* balneum, quod cum nullas habeat scatebras suas, defluentibus de *Regio* proximo, quippe interposito tantum muro, aquis, ad eandem quam *Regium* altitudinem impletur, eo temperatioribus quo sunt remotiores à scatebris. Calore postremum est *Crucis* balneum, cujus sunt quatuor solummodò scaturigines, & cui plus quam in cæteris nitri inesse asserit *Jordanus*. De *leproforum* imundorumve balneolo nihil attinet dicere, cum non aliud sit quam *Fervidi* additamentum, ejusq; ex perfos-

so

fo pariete profluat : quem-  
admodum etiam, licet ma-  
jori distantia, manantibus  
ex *Regio* aquis *Equinum*  
adimpletur, occlusâ ad eas-  
dem retinendas cataractâ,  
quoties morbosos equos  
immergendi necessitas id  
postulat.

§. 12. Morborum ferè  
eorundem, (quos supra pro  
cujusq; mineralis virtute  
recensui) medelæ, Bathoni-  
ensibus his thermis fiunt,  
aliàs *Regio Fervidaq;* pollen-  
tioribus, aliàs *Regina &*  
*Crucis* mitioribus balneis  
pro ratione virium ad pro-  
lixiorè immersionis mo-  
ram subeundam. Quin &  
postremo huic majorem ni-  
tri vim, ideóque præstanti-

orem discutiendi, abster-  
 gendi, emolliendique fa-  
 cultatem inesse tradit Jor-  
 denus, & secundum illum  
 Guidottus. Equidem non  
 sum nescius recentissimum  
 autorem Joannem Mayow,  
 in vulgatis superiore anno  
 super hoc argumento lucu-  
 brationibus suis, quæ de ni-  
 tro & sulphure Bathonien-  
 sium thermarum credidere  
 hætenus scriptores impug-  
 nare, quorum neutrum his  
 aquis solutum inesse pluri-  
 bus conatur ostendere. Bi-  
 tuminis etiam sive ejecta-  
 menti cujusdam bituminosi  
 sulphurisq; particulas, ta-  
 met si unâ cum thermarum  
 scatebris egeri fateatur,  
 quas tum thermarum undis  
 supernatantes videas, tum  
 fundo

fundo adhærescentes, nequaquam dissolvi asserit. Ego verò in re à meis studiis adeò alienâ sententiam hîc meam non interponam. Notatu certè dignum eundem Mayow vel inde probare Bathonienses thermas acido quodam sale præditas, quòd earundem aqua fervefacto lacti affusa coagulum faciat. Advertit porrò idem *Regium* balneum tantillo vitriolo imbui, *Crucis* verò & *Fervidum* non item. Siquidem contusæ gallæ Balnei *Regii* aquis injectæ easdem colore atropureo leviter tingunt; quod *Crucis*, *Fervidiq;* balnei aquis nequaquam evenit. Quin etiam thermarum sabulum ait aliquandiu conservare.

servatum aeriq; expositum  
 injectis gallis aquas simili-  
 ter atro-purpureas redde-  
 re. His adjungo quæ mihi  
 præsentis spectantique expe-  
 rimenta exhibuit sæpius à  
 me nominatus, Thomas Gui-  
 dottus, Bathoniensis tum  
 medicus tum incola, & ha-  
 rum thermarum solers juxta  
 ac sedulus indagator; cujus  
 peritiæ, diuturno usu hîc au-  
 ctæ, monumentum justo vo-  
 lumine propediem edendo  
 expectamus. Ipsius verbis,  
 quæ mihi amicè & benevolè  
 de his thermis scripto tra-  
 didit, hæc accipe :

“ Acetum aut etiam a-  
 “ qua communis, cum gut-  
 “ tulis aliquot spiritus vi-  
 “ trioli injectis, arenæ sive  
 “ thermarum sabulo affusum,  
 “ fer-

" fermentationem creat e-  
 " bullitioni in thermis haud  
 " absimilem. Quod lapidis  
 " cujusdam, vulgo *Free stone*,  
 " misturæ adscribitur.

" Efficitur etiam idem  
 " motus fermentativus mi-  
 " sturâ luti arefacti, aut  
 " ochræ sive terræ luteæ  
 " magnâ quantitate cum  
 " thermarum halitu erum-  
 " pentis, & postea præcipita-  
 " ti super lapides in ther-  
 " marum fundo, qui omnes  
 " aut lutei sunt, aut vi-  
 " rides.

" Continetur etiam in  
 " thermis sal nitrosus cum  
 " sale quodam alkalizato,  
 " qui in aquis solutus, &  
 " potantibus & lavantibus  
 " magno est usui.

Urbium  
ipſarum  
compara-  
tio.

Bathoniz  
descriptio.

§. 13. Perſtringam mo-  
dò breviter horum balneo-  
rum ſitum, aſpectum, figu-  
ram, amplitudinem, cætera-  
que adjuncta, quoad ejus  
fieri poterit, eorum, quibus  
hæc impertienda duxeris,  
oculis animiſque ſubjiciam.  
Bathonia, cujus ſupradixi  
non abſimilem Aquisgrano  
ſitum in convalle collibus  
interjectâ, hoc certè differt,  
quòd altioribus undique ob-  
vallata montibus, velut am-  
phitheatralem in ſpeciem  
inflexis in rotundâ planitie  
includatur; quam Avona  
flumen nobile ſinuoso flexu  
alluens, circumjacentium  
hortorum pratorumq; uber-  
tatem pariter atq; amœni-  
tatem auget. In quadra-  
tis



tis mœniorum lapidibus veluti Gorgonum, serpentium, similiumq; contritas vetustate figuras varias cernere est. Horum ambitus mille passus non excedit, portis omnino quatuor, quæ à totidem ventorum cardinibus nominantur, exclusis suburbiis. Aditus habet quoquoersum per prærupta & confragosa lapidibus loca perdifficiles, ut, quod de Quintianis balneis Claudianus, de his etiam appositè dixeris :

( ris hospes,  
*Nympharum dominum nimium mirabe-*  
*Inter dura via balnea qui posuit.*

Commodiora tamen hîc multò quàm Aquisgrani advenis hospitia præbent,  
 cùm

cum diversoria publica, tum privatae civium aedes planè elegantes & pari propemodum altitudine ex quadrato lapide, supellectili insuper honestissimâ instructæ ornataeque, quas æstivis mensibus conductitias locant. Habet etiam illud Bathonia nostra cum Aquisgrano commune, quod utrobique primaria aedes prope præcipuum urbis balneum, *Cæsarianum* illic, hic *Regium* extracta sit, Christianis templorum fundatoribus propiore, sicut ego interpretor, cultu venerantibus multò æquiùs in his thermis præsentiam numinis quàm antiquiores etiam ethnici, *Aristotele* teste, cum *τὰ θεγ. μὰ ἱερὰ* dictitabant. Consonat

*Apud  
Cael. Rhodigin. l. 3. c. 15.*

sonat eatenus religiosa  
Claudiani Musa de A-  
pono

(audet ?

*Quis casum meritis adscribere talibus*

*Quis negat autores hac statuisse Deos ?*

*Ille pater rerum, qui sacula dividit astris,*

*Inter prima poli te quoque, sacra dedit.*

*Es fragilem nostri miseratus corporis usum,*

*Telluri medicas fundere jussit aquas.*

§. 14. Hic mihi, quia  
templorum mentio incidit,  
prætermittendum non est  
Aquisgrani, quippe amplio-  
re in urbe, tot Collegiorum  
coenobiorumque accessione  
auctâ, plura omnino nume-  
ro esse, & specie præstanti-  
ora, quàm continere possint  
Bathoniaë angustiaë, ubi tres  
tantùm Ecclesiæ numeran-  
tur; nimirum primaria A-  
posto-

Primariæ  
utrobique  
ædis col-  
latio.

Aquisgra-  
nense  
templum.

postolorum Principibus Pe-  
tro & Paulo dicata, duæque  
prætereà, quarum altera Di-  
vo Michaeli Archangelo,  
altera Divo Jacobo Apo-  
stolo sacra est. Attamen  
nihil gratiæ vel invidiæ  
dederò, si ostendero inter  
præcipua certè utrobique  
templa, excellentiæ princi-  
patum Bathoniense Aquis-  
granensi nequaquam cede-  
re. Demus sanè, videri  
meritò illam Caroli Magni  
Cæsaris non modò ædem  
coelitem Reginæ sacram, sed  
augustissimum quoq; im-  
mortalis gloriæ Herois Mau-  
solæum; demus, non sine  
spectantium admiratione,  
medium templi fornicem sic  
arcubus & columnis mar-  
moreis iisq; versicoloribus  
susten-

sustentari, ut altitudine duplici etiam choros pensiles in gyrum fulciant, quorum in medio corona itidem pensilis è summo templi tholo, axe funibus innexo, vasto orbis sui circuitu ardentes undique cereos solemnioribus festis explicat, illustratq; latissimè omnia; cujus coronæ moles tota, quæ olim aurea fuisse perhibetur, modò ænea est vel ferrea, quippe cum duri sæculi moribus immutata: demus ad extremum non gravatè suppellectili opulentâ, altarium reliquiarumq; ornamentis, aureis argenteisq; vasis, cæterâq; apparatus sacri magnificentia nostram hanc cum illâ neutiquam decertare. At si de ipsâ loquimur fabricâ deque molis ip-

D

sius

Batho-  
nienſe  
templum.

ſius majeſtate laxitateque,  
non verò integumentis re-  
rum ſpecioſis aſcitiſq; orna-  
mentis, in quæ tanquam  
ſuperſtitioſa infelicis ſæ-  
culi rabies hîc ſæviit, Ba-  
thonienſem hanc Abbati-  
lem olim, modò Cathedra-  
lem Eccleſiam, illi forſitan  
anteferendam ſtatuemus. In  
templi veſtibulo, elaboratis  
affabrè ſignis decorato, præ-  
altæ utrinque è ſectò lapide  
ſcalæ prominent, quæ my-  
ſticam illam Jacobæam ſur-  
ſum deorſum commeanti-  
um Angelorum ſimulacris  
referendo, admonent Eccle-  
ſiarum ingreſſu adiri oport-  
tere commercia cum cœliti-  
bus. Sed aliam quoque  
habent hæ binæ ſcalæ ſigni-  
ficationem, nimirum duo-  
rum Jacoborum, hoc eſt,  
Regis

Regis & ejusdem nominis  
 Montacutii Præsulis, quo-  
 rum auspiciis sunt erectæ,  
 velut munificentiae gradi-  
 bus astra & nominis æter-  
 nitatem peti. Et quidem  
 Montacutii stat è regione  
 suggesti monumentum sanè  
 magnificum, atque inter  
 præcipua familiæ decora  
 Henrici postea Manceltriæ  
 Comitis gentilitiis insigni-  
 bus & nomine ornatum.  
 Hæc foris explicati signisq;  
 aucti propylæi majestas ex-  
 tima promittit eam, quam  
 intus oculis offert deinde  
 structuræ pulcherrimæ am-  
 plitudinem. Habet, ut ple-  
 ræque Cathedrales Basilicæ  
 figuram crucis. Sed quæ  
 longissimè protenditur me-  
 dii templi concameratio

sublimis juxta atq; elegans  
 aspectum fatigat simul &  
 delectat. Nihil est hac  
 æde serenius, tantum undi-  
 que à creberrimis fenestris  
 haurit lucis, quarum unâ  
 præ cæteris ingenti odæum  
 mirificè collustratur. De  
 totius operis nullis subnixa  
 anteridibus structurâ mira-  
 bili, perpetuisque quadrati  
 lapidis commissuris, de fa-  
 stigio plumbeis contexto la-  
 minis, & limatis è secto la-  
 pide cancellis redimito, de  
 turri denique superbissimis  
 fornicibus suffultâ elataque  
 ad pedum omnino centum  
 & sexaginta duorum altitu-  
 dinem, quam gradatim  
 quaternis, hoc est, singulis  
 in unumquemque angulam  
 cocleis ascendimus, & cu-  
 jus



jus in supremo tabulato ap-  
 pensarum è lacunari cam-  
 panarum, solemni pulsu ca-  
 dentes in numerum soni, *Vide Hen.*  
 nonnunquam ad septem *Chapmanni*  
 millia passuum exaudiuntur, *Thermisve-*  
 non est quod plura incul- *divas,*  
 cem, quibus Aquisgranensi *pag. 5.*  
 Basilicæ Bathoniensem non  
 usquequaque cedere palam  
 fiat.

§. 15. *Regii* balnei per- *Regii bal-*  
 pauculis à summâ æde pas- *nei descri-*  
 sibus disjuncti aspectum fi- *ptio.*  
 guramque nunc accipe. Ex-  
 clusis parietum, quibus con-  
 tinetur, scalarumq; recessi-  
 bus, in longitudinem sexa-  
 ginta pedes porrigitur, pa-  
 tetque in latitudinem tri-  
 ginta novem; fornicibus verò  
 scalarumq; gradibus & se-  
 dilibus

dilibus comprehensis, ad-  
 ciendi utrique dimensioni  
 pedes quinq; ut proinde sit  
 omnino pedes sexaginta  
 quinq; longum hoc balne-  
 um, latumq; quadraginta  
 quatuor. Medio secundum  
 longitudinem spatio stat  
 lignea moles eleganti ope-  
 re turriti ad instar taberna-  
 culi, patente transitu, affix-  
 isque cùm introrsum ma-  
 gno lavationis comodo  
 tum extrinsecus scamnis,  
 dum prorumpentium eo lo-  
 co scatebrarum à modò ob-  
 ambulantis modò per in-  
 tervalla sessitantibus primus  
 fervor excipitur. Sunt tum  
 in utrâq; extremitate tum ad  
 septentrionem longo ordine  
 fornicati recessus circiter  
 quatuordecim, in quibus  
 sub-

subducentibus se ab imbribus, siquando ingruunt, immò quoties libitum cuique est, considerare licet. Ad austrum verò sedilia duntaxat in propatulo totâ muri longitudine protenduntur. Ad hæc subjiciuntur nimjùm subsidere nolentibus mobilia saxa, quæ balneatores utiq; duri homines pulvinorum molliori vocabulo cohonestant. Substernitur undique duplici latoq; admodum gradu pavementum usu tritum & lubricum, cui propterea, ut insistere aut ingredi sine casu aliquo aut prolapsione possis, in promptu sunt parietibus affixi, quos manu prehendas, ferrei annuli. Ex circumstructis supernè pergulis,

præterquam ab australi latere, despectus patet in balneum, quatuorque diversis ex locis descenditur apertis scalarum valvis, quæ Dominicis diebus, horisque intempestivis, quemadmodum in cæteris etiam urbis balneis, occluduntur. Conspicitur porrò è septentrionali latere horologium tum solare tum rotatum, quo monearis ne præstitutum in balneo tempus excedas. Ornavit hujus balnei muros, ejusdem qui pavimentum etiam substravit, Francisci Stoneri de Stonero Equitis aurati munificentia eximia, superadditis è scætili lapide tortuosis cancellis, cujus etiam extant inserta australi muro  
gen-

gentilitia insignia, & prope  
Bladudi Britannorum Regis  
imago cum inscriptione  
Anglicâ, quam verbum  
è verbo Latinè sic reddi-  
mus.

BLADUDUS LUDHUDIBRA-  
SII OCTAVI A BRUTO  
BRITANNORUM REGIS FI-  
LIUS, PHILOSOPHUS JUX-  
TA AC MATHEMATICUS  
MAGNUS, ATHENIS EDU-  
CATUS, HÆC BALNEA  
PRIMUS RETEXISSE FUN-  
DASSEQUE TRADITUR;  
ANNIS ANTE CHRISTUM  
SEXAGINTA TRIBUS SU-  
PRA OCTINGENTOS, HOC  
EST, ANNIS AB HINC BIS  
MILLE QUINGENTIS ET  
TRIGINTA QUINQUE.

ANNO DOMINI, MDCLXXII.

Reginæ  
balneum.

§. 16. *Reginæ* balneum, hujus muri solius interpositu, *Regio* adjungitur, estque illo fermè dimidio angustius, quippe cujus æqualia undique latera, sedilibus itidem fornicibusque comprehensis, nullâ quadrati parte triginta pedes excedunt. Sunt hîc à lateribus tres quatuorve latiores fornices, in quarum singulis percommodè sex vel septem unâ confideant, substerniturque pariter etiam duplici gradu ex quadrato lapide pavementum, & parietibus adduntur, quos ne prolabaris arripias, annuli ferrei. Constat hoc non ex suis sed influentibus, patente semper ostio, *Regii* balnei aquis

aquis eò temperationibus  
 quo sunt ab origine remo-  
 tiores. Binis duntaxat ab  
 occidente scalis huc descen-  
 ditur, inter quas reductus  
 interior aquarum secessus  
 est valvisq; clausus decem  
 circiter pedum longitudine  
 latitudineq; pari. Cæte-  
 rum haud scio majorēne ad-  
 venarum commodo an loci  
 ornamento sint densæ admo-  
 dum excelsæq; privatorum  
 domus, quæ tanquam thea-  
 trali ambitu hæc balnea  
 includunt. Siquidem &  
 conclavia intus plurima ni-  
 tidâque supellectili instructa  
 hospitibus excipiendis in-  
 promptu sunt, & eminentes  
 extrinsecus è scætili lapide  
 cancelli pergulæque jucun-  
 dissimo prospectu alliciunt  
 ad-

advenas, &, quod caput est, expeditior hinc patet vel ex cubiculis ipsis in adjuncta balnea descensus, quàm ut gestatoriis sellis, quibus remotiores tantummodò advehuntur, opus sit.

§. 17. Inter urbis compita, ac velut interiore in sinu, sunt alia duo balnea magnitudine murorumque quibus cinguntur, altitudine non admodum inter se dissimilia, *Crucis* nimirum *Fervidumque*, passuum circiter triginta spatio inter utrumq; interjecto. Habet *Crucis* balneum, sedilibus, fornicibus, & gradibus comprehensis, pedum tantum viginti novem longitudinem;

Crucis  
balneum.



nem , latitudinem verò viginti trium : est tamen oppidò concinnum commodumque. Elegans sanè medio spatio consurgit moles, cujus distincta in orbem columellis sedilia absidesque conopei instar testudo modica coronat, quam hoc anno expassæ plumbeæ laminæ additamento tanquam restitutæ hîc sanitatis anathemate dilatavit Gulielmus Cons Northamptonensis Armiger. Ornamento est supernè Leo erectus triumphalem unguibus Crucem præferens, quâ vicit *Leo de tribu Juda*, & à quâ inditum huic balneo nomen verisimile est. Triplex huc opportunis horis, patefactis scalarum valvis, est

est aditus, & extructi spectantium commodo in utraque extremitate xysti, quorum uno locum auxit hoc itidem anno vir inter Angliæ procures de hac urbe præclarè meritus, Robertus Baro Brookeus.

Balneum  
Fervidum.

*Bathes*

*ayle, lib. 2.  
fol. 16.*

§. 18. Balneum *Fervidum* ( cui veteres, ut videre est apud Cambdenum, illoque antiquiorem Joannem Jonesium Medicum, cujus de hoc argumento librum habeo annis abhinc centum & tribus editum, caloris præ cæteris virtutisque primas tribuebant; recentiores cum Jordeno Guidotroque non item) cum sedilibus & fornicum scalarumq; recessibus, est lon-

longum triginta pedes, latum verò octodecim; habetque extremorum unum altero explicatius, sibi que adjunctum, cujus supra meminimus, *Leprosorum* balneolum.

§. 19. Repete jam, a. Collatio à balneo-  
rum utro-  
bique for-  
mis.  
mabo te, Aquisgranensium thermarum memoriam, balneorumque illorum angustias confer cum nostrorum amplitudine ac laxitate. Habent illa, fateor, quippe complures singula in alveos partita secretioribus paucorum recessibus accommodatiora lavacra, fornicibus insuper tectisque ab aurâ defenduntur: habent & sua undique à lateribus sedilia, & planum atque

que æquabile pavementum,  
 quod in nostris ne profilien-  
 tes humo scatebræ oppilen-  
 tur, fieri nequit, cum in illo-  
 rum singula per foramina  
 prout libuerit obturanda è  
 parietibus aquæ influant ef-  
 fluantque : habent denique  
 scrupulosæ offensionis fa-  
 stidiique delicati remedia,  
 dum ab ignotorum conspe-  
 ctu seorsum quisque, vel  
 subinde etiam uno altero-  
 ve comite adhibito lava-  
 tur ; estque, ut alia fileam,  
 vel ipsum *Casarianum* bal-  
 neum in ejusmodi diversos  
 alveos sex septemvè distri-  
 butum. Notandum verò ἐν  
 παρόδῳ perperam à Baccio  
 aliisque peregrinis Scripto-  
 ribus *Regium* dici, quod vul-  
 gò *Reysersbadt*, hoc est, *Ca-*  
*sarianum*

*sarianum balneum* appellatur. Attamen hæc omnia aliis nostrarum thermarum commodis abundè compensantur; nam & ex omni parte aperto cœlo spiritus hic liberius ducitur, & vapores sine interclusione aut angustiiis citius exhalantur, & postremò per urbanitatis officia mutua, & colloquia eodem in loco simul convenientium notitiæ facilius necessitudinesq; ineuntur.

§. 20. Intran̄t hæc balnea viri subligaribus linteis umbilico tenus induti, pileolisque nocturnis ab aurâ defensi, cætera nudi, nisi cui libuerit interulis ex simplici linteo & pro more loci vittatis reliquum corpus tegere;

Balnea  
nostra in-  
trantes  
quomodo  
induti.

gere ; quod antehac perhibent non sine maculosæ aut illuvie scabræ cutis suspitione factum, & que vitandæ cōactos tunc omnes nuda pectora scapulasq; ut plerisque jam est in usu, ab omni contagione integras ostentare. Fœminæ pariter ex simplici & necdum insolato linteo talaribus vestiuntur supparis, quibus pro cuiusque gradu aut arbitrato plus minusve ab atris tæniis ornamenti additur; quemadmodum & capitum calanticas & cincinnorum redimiculæ, honestioribus quibusque versicoloribus vittis & lemniscatis segmentatisque laciniis concinnare, modestè tamen, & veluti nocturno cultu, mos est.

est. Quin etiam in *Crucis*  
balneo ipsi confidentium  
feminarum fornices ele-  
gantibus fasciis institisque,  
aut reticulatis affectatæ ve-  
recundiæ velamentis obten-  
duntur.

§. 21. Præsto sunt utri- Balneato-  
que sexui ad obsequia res.

omnia paratissimi balnea-  
tores, nisi malis fœminis

ancillantes cum \* aliqui- \* Petron.

bus balneatrices dicere: apud Ser-

præsto inquam, sunt qui viuam Coo-

claudicantes infirmosq; si- pero te-

bi innixos sustineant, & mo-

dò ægros manibus artus de- Antlia.

fricent, modò antliæ subdi- rum apud

tos vehementiore *ἐμβερχῆν* nos usus.

tanquam torrente perfun-

dant. Libet hîc cum suprâ

dicto Jordeno annotare

E 2 hunc

hunc antliarum usum, qui apud nos viget, in exterarum gentium thermis vix usquam adhiberi, sed illarum loco stillicidia quædam, sive quas Itali *Duccias* vocant, è quibus vel pertuso labro ( quod mihi sinistro humero laboranti in *Casariano* Aquisgranensi balneo factum memini ) vel percannas, de quibus Bendingelli tractatum consule de Balneo Corsennæ, unde guttatim, & minori cum calore aquæ defluunt: cum ex balneorum nostrorum antliis, incitatiores impetu æstuq; fervidiore per siphones plumbeos ab ipsis usque scatebrarum originibus hauriuntur, ad apertos mollitorum jam artuum poros penetrant.



trent. Et verò haud paulò carius nobis constat balneatorum utiq; lacertosorum hominum antliarum manubria torquentium labor, quàm suæ veteribus lavationes, de quorum non nemine Horatius,

—*Dum tu quadrante lavatum* Lib. 1.  
*Rex ibis.* Serm.  
 Sat. 3.

Et Juvenalis, *Cadere Syl.* Sat. 6.  
*vano porcum, quadrante lavari.*  
 Hic enim centenos pulsus duobus assibus, millenos viginti æstimant. Sed neque per balneorum præfectos, quorum cùm balnea tempestivis horis aperiendi claudendiq; tum ne quid indecorè fiat cavendi munus est, *quadrante lavari* hic licet, cùm

expectatis, non pactis majoribus donis opiparè habeantur. Augendo porro famulantium numero adsunt etiam adductæ mercedulis vetulæ, quæ madidis redeuntium pedibus substernant in gradibus panniculum, ut nihil dicam de cubiculariis, aliisque administris, qui lodicibus illico & stragulis involutos vel in proximorum conclavium cubilia inferunt, vel gestatoriis sellis remotiora ad hospitia portant.

Antliæ  
sicca.

§. 22. Ad ea quæ de antliis jam dixi addendum quoque nonnullas hîc esse, quas non satis apto nomine *Siccas* vocant, quòd in adjuncto balneis conclavi in  
siccâ

ficcâ sedeculâ collocato vestitoq; cuilibet unumquodpiam membrum, cæteris intactis perfundi possit; suntq; illorum potissimum commodo adinventæ, quorum calori renum, aut alii cuiquam morbo totius corporis immersio obsit.

§. 23. Cæterum, ut institutam thermarum collationem prosequar, alia sunt hîc atq; Aquisgrani illis utendi tempora. Etenim Aquisgranenses, sicut pleræque exterorum thermæ, propter æstivorum calorum molestias nisi vere atq; autumno non adeuntur. Nostræ verò, quippe temperatior sub cœlo, per æstivos præcipuè menses frequen-

Tempora  
utendi  
balneis  
utrobique  
diversa.

E 4 tantur.

tantur. Horarum quoque est nonnulla utrobique differentia : qui enim Aquilgrani balneas matutinis horis ineunt, vespertinis plerumque easdem repetunt, immo vix ullum diei tempus contingit, quin sint ab aliquibus occupatæ. Nostræ verò primo tantum diluculo honestiorum cujusq; ætatis & sexus plenæ sunt, reliquo die non item. Et quidem Vespertinæ horæ imbecillium vulgo, & ludibundis natantibusq; puerulis permittuntur. Næ illi veteres voluptati magis quàm valetudini indulgebant suæ, qui pomeridianis balneis utebantur. Quod cum ex M. T. Ciceronis ad Atticum epistolâ quadam

dam de Cæsare coenâ exce-  
 pro, ubi *post horam octavam*  
 balneo se refecisset, tum ex  
 Martialis convivium appa- *Lib. 10.*  
 rantis Epigrammate col- *epig. 48.*  
 ligitur:

*Nunciat octavam Pharia sua turba ju-  
 venca, &c.*

*Temperat hac thermas, nimios prior ho-  
 ra vapores  
 Halat. —*

Illorum octava erat quam  
 nos secundam à meridie di-  
 cimus. Et Plinius de Ve-  
 stricio Spurinnâ hæc habet :

*Ubi hora balnei nunciata est, Episto-  
 ( est autem hyeme nona, æstate larum, l. 3.  
 octava ) in sole, si caret vento, Epist. 1.  
 ambulat nudus, &c. Lotus ac-  
 cubat. En pomeridianas  
 horas, hyeme tertiam, æstate  
 se-*

secundam. Tertullianus denique de Jejuniis adversus Psychicos ita loquitur : *Apud quasdam verò colonias præterea annuo ritu, &c. Balnea & tabernacula in nonam usq; clauduntur.* Hoc est, in tertiam, ut modò dixi, pomeridianam. Advertendum nihilominus ægrorum etiam veteres rationem habuisse, cùm cæteris à balneo publico ante horam octavam prohibitis, ut tradit Spartianus in Adriano, ægri soli exciperentur, quibus concedebantur utique matutinae horæ. Ego verò quamvis olim vespertinum æquè ut matutinum hîc balnei usum in more fuisse intelligam, inveniamque hoc inter præscripta annis abhinc

hinc centum & tribus à <sup>Lib. 4.</sup>  
 Joanne Jonesio supra dicto <sup>fol. 28.</sup>  
 hujus loci medico docu-  
 menta; hodie certè dilucu-  
 lo tantum post resectas  
 nocturnâ quiete vires, mo-  
 ram in balneo justam pro  
 cujusque robore valetudi-  
 nisq; ratione commodissimè  
 adhiberi video.

§. 24. Absterfis præte-  
 reâ sordibus *Regis Reginaq;*  
 balneis alternis diebus re-  
 novantur aquæ; singulis ve-  
 rò *Crucis, Fervidoque*, quippe  
 angustioribus, eoque citius  
 inquinandis, & sæpius re-  
 purgandis.

§. 25. Neque sese in has <sup>Eathoni-</sup>  
 thermas immergentium cor- <sup>ensium</sup>  
 pora tantum, sed complu- <sup>therma-</sup>  
 rium <sup>rum pota-</sup>  
 tio.

rium idcirco huc adventan-  
 tium etiam fauces & guttu-  
 ra plenis haustibus proluun-  
 tur. Quin & mihi pariter  
 ex medicorum præscripto,  
 intermissis aliquandiu bal-  
 neis, cum Plautino Stasimo  
 Trinum. dies aliquot *thermopolare*  
*gutturum* necesse fuit. Non  
 me fugit nostrorum multos  
 persuasum habere novum  
 planè esse, nec nisi perpaucis  
 ab annis usitatum aquas  
 hæc calidas bibendi mo-  
 rem, quem hîc sicut Aquis-  
 grani etiam, aliisq; in locis  
 potissimùm inolevisse arbi-  
 tror, postquàm Borboni-  
 ensium \* in Galliâ therma-  
 rum potatio medicorum  
 commendatione celebrari  
 cœpta est. Attamen ex  
 Jonesio nostrate jam citato  
 con-

\* L'Ar-  
 chambaut.

Lib. 4.  
 fol. 28.



constat ante annos centum  
hujuscemodi potationem  
etiam hic præscribi solitam.  
Per annexum antliæ siphonem  
ex ipsâ scaturigine  
hauritur hæc aqua fervens  
adhuc & limpida, gustuiq;  
non ingrata: & repurgato  
pridie corpore, benè manè  
sensim bibuntur primâ die  
sextarii tres, interpositis  
moderatè ambulationibus,  
quò aquæ faciliùs motu  
perfluant. Altero die ad-  
dendus sextarius unus, &  
pedetentim sequentibus di-  
ebus progrediendum usque  
ad sextum. Post continuatam  
dierum aliquot potationem  
per eosdem deinceps gradus  
eò descenditur unde cœ-  
ptum est. Salutares per-  
multis has thermarum aquas  
usus

usus docuit. Appetitus cer-  
tè his non secus ac perenni-  
bus acidulis paritur, qui, si  
aquæ non prodesse, sanum  
hominem solus redderet,  
cùm, quod Aquisgrani  
etiam animadvertimus,

— *Sextarius alter*

*Ducitur ante cibum ravidam facturus  
orexim. Juven. Sat. 6.*

*Apud Ca-  
pivaccium,  
lib. 3. cap. 8.*

Quemadmodum verò ex  
Avicennâ discimus aquâ  
frigidâ augeri sitim, tepidâ  
verò minui; sic consequen-  
ti balnea siti occurrere u-  
num & alterum hujus aquæ  
calidæ haustum usus docuit.  
Habetur porrò hîc semper  
in promptu ab antliis in  
unoquoq; balneo, cùm ab  
uno duntaxat, eoque satis  
remoto

remoto fonte Aquisgrani  
 arcessenda sit. Cæterum  
 de largiori hujus aquæ po-  
 ratione unâ mente consen-  
 tire medicos intelligo ne  
 iisdem diebus fiat, quibus  
 balneis utimur: quamvis  
 haustum ejusdem modicum  
 etiam in ipsis balneis cùm  
 arcendæ sit, tum sudori  
 augendo nostri juxta atque  
 Aquisgranenses medici per- *Didier.*  
 mittant. In opusculo quod *pag. 68.*  
 de hoc argumento sub Eu-  
 genii Philandri nomine an-  
 te biennium hîc prodiit, lu-  
 culentus quidam autor ita  
 loquitur: *Sed neque balneum*  
*thermarum, dum aqua sumun-*  
*tur, administrandum est; quod*  
*hoc modo ratione contrariorum*  
*motuum factorum à balneo,*  
*quod ad circumferentiam, & à*  
*potu*

*potu qui ad centrum trahit, nimis ager affligitur*; adjiciunturque ibidem alterius Doctoris verba in eandem sententiam.

§. 26. Didierus medicinæ Doctor & Aquisgranensium Porceranarumque thermarum administrator primarius, in Epistolâ ad Blondellum medicinæ pariter Doctorem atq; earundem thermarum etiam administratorem, Sedani datâ sexto Martii Anno Christi 1661. profitetur Aquisgranenses aquas ad Borboniensium imitationem bibendi usum à se primùm introductum tribus ante conscriptam illam epistolam annis, hoc est, anno 1658. aitq;

Pag. 13,  
14, 15, 16.  
Thermarum  
portatio A-  
quisgrani  
nova.

aitq; eorundem utrobique mineralium virtutem aquis inesse, nimirum sulphuris, bituminis, salis, nitri, atq; aluminis, quamvis diversâ utrobique quantitate; quo fit ut Borbonienses mineralium illorum odorem tantum habeant, Aquisgranenses verò etiam substantiam contineant, quod manifestò liquere asserit ex magnâ sulphuris nitro admisti copiâ, quæ ex *Cæsariani* balnei puteis hauritur.

§. 27. Aquisgranensium prætereà & Porcetanarum thermarum differentiam probat multiplicem Didierus. Siquidem illæ liquati sulphuris substantiam retinent, unâ cum multo nitro,

Aquisgranensium & Porcetanarum aquarum differentia multiplex. Pag. 41, 42, 43, 44.

hæ verò sulphuris odorem tantum & pusillum nitri: Illæ lapides exedunt, hæ usque adeò eosdem augent, ut excidenda sint identidem aquarum cursum obstruentia incrementa: illis vix horæ unius spatio tolerandis sufficiunt ingredientium vires, qui in his nullo incommodo ad plures horas durant: illarum sulphurei vapores gravedinem important, harum autem non item. Adhæc experimento compertum post Aquisgranensium aquarum evaporationem in vasculi fundo subsidere sulphur nitro, sale, & modico alumine permistum; cùm in Porcetanis permagna aluminis copia sale & ferro mixta

mixta inveniatur, pateat-  
 que vel ex ipsis, quibus hæc  
 adhærescunt, canalibus  
 tum albescentibus, tum  
 etiam flaventibus. Porce-  
 tanorum deniq; balneorum  
 aquæ sunt in singulis puteis  
 inter se similes; Aquisgra-  
 nensium verò dissimilitudo  
 varietasq; perfacilè sensu  
 ipso percipitur. Siquidem  
 superiores tum *Sancti Qui-  
 rini Parvorumque balneorum*,  
 tum *Cæsariani* scaturigines  
 non ita subcæruleæ sunt,  
 quemadmodum inferiores  
 scatebræ *Corneliani, Rosæ, &  
 Compusii* sive *Pauperum balnei*,  
 quippe quibus major sul-  
 phuris & nitri quàm in su-  
 perioribus istis copia insit,  
 ideòq; virtus acrior calorq;  
 vehementior, quæ proinde

haud eo quo illa temporis  
spatio tolerari possunt.

De'ecta-  
tionum u-  
trobiq-  
ue occurren-  
tium col-  
latio.

§. 28. Sed ne diutiùs  
ex alienis petitos fontibus  
tibi exhibeam latices, neve  
epistolæ longitudine te ob-  
rundam, venio tandem ad  
comparationem, ut spero,  
tibi minimè injucundam  
oblaſtamentorum illorum  
animique remissionum qui-  
bus vacuæ tum Bathoniæ  
tum Aquisgrani teruntur  
horæ. Licuit nobis Aquis-  
grani siue summo manè ad  
fontem publicum, siue me-  
ridie in diversorii contu-  
bernium convenientium ho-  
nestissimâ societate perfrui,  
ubi in variarum nationum  
frequentiâ quid de patriâ  
quisque suâ proferret velut  
mul-



multiplex symposii condi-  
 mentum pro cuiusq; palato  
 degustabatur. Licuit Mo-  
 sellani vini, quod illuc af-  
 fertur præstantissimum, bal-  
 nei usum aquarumq; pota-  
 tionem, non permittentibus  
 modò sed suadentibus etiam  
 cum \* Didiero medicis, mo-  
 deratis Scyphis temperare.  
 Licuit deniq; pomeridianas  
 horas vel in urbis cœnobiis  
 invisendis, vel in contem-  
 plandâ opificum industriâ  
 collocare, ubi & perficien-  
 darum acuum subtilitatem  
 solertiamq; singularem su-  
 speximus, & in liquefacti  
 cupri ollas injectâ cadmiâ  
 prodire illico ex obscuriore  
 metallo pallidioris fulgoris  
 æneas laminas demirati su-  
 mus.

§. 29. At verò Bathonia vix ulla est diei pars delectationis alicujus expers. Nam quid ego de mutuis urbanitatis officiis colloquiſq; dicam, quibus diluculo vel in ipsis balneis mirificè deliniuntur convenientium animi? Quin immo etiam Aquisgrani olim, priusquàm ſeparatis ut hodie alveis vel ſinguli vel certè pauciſſimi includerentur, memoriae proditum eſt ipſum Carolum Magnum Imperatorem conſueviſſe omnis generis homines ſecum in balneum ducere, ibiq; allatâ aliquâ ſermocinandi materiâ longam moram trahere. Quid de ſalutationibus percontationibuſq; matutinis, qui-

*Naccius de  
thermis,  
lib. 2.  
cap. 12.*

quibus cum honestioribus  
nobilioribusq; amicitiae op-  
portunè conciliantur? Quid  
deniq; de innocenti in his  
thermis ingenuâq; libertate  
festivitate summâ & venu-  
state conjunctâ, quæ cernen-  
tium ex adjunctis pergulis  
oculos animosq; jucundis-  
simâ varietate oblectat?  
Diceres planè ad hos tan-  
quam Nympharum lacus  
confluere marina numina,  
hîc enim quotidie velut  
personati adumbrantur,

*Et senior Glauco chorus, Inousq; Antid. 5.  
Palamon,*

*Tritonesq; citi, Phorciq; exer-  
citus omnis.*

*Hic — Thetis, & Melite,  
Panopæaq; Virgo,*

*Nisae, Spiogue, Thaliaque, Cy-  
modoceque.*

Post aquarum potationem, vel consequentes balnea in cubilibus sudores, quietisque aliquantulum, dum quod antemeridiani temporis superest muliebri mundo concinnando plerumque vacant feminae, spatiantur interea quae per urbis pomœria quae per vicina prata viri, frequentissimi verò ad globorum missilium ludum confluunt in æquatam strato cespite vireti planiciem, ubi in circumfusa spectantium arbitrorumque coronâ nobilitatis ingenuæ delectum videre est. Alios porrò colludendi, alios ab alterutrâ parte sponsione pig-  
no-

norum decertandi ardor sic  
 committit, ut dum ex inspe-  
 rato spe successu *ferit atbe-* *Æn. 3.*  
*ra clamor*, credas penè Trojam  
 ipsam denuò inter Hectores  
 hos Ajacesque periclitari.  
 Enimverò tornatos de Gua-  
 jaco prægravi ligno Indico  
 globos tantillo momento  
 addito per quicquid est in  
 solo eminens fortè aut la-  
 cunosum tam peritè torque-  
 ri, volvíque obliquo cursu  
 ad destinatam metam, cæ-  
 terasq; tam elegantis nobi-  
 lisq; ludi argutias omnes  
 considerantem subit admi-  
 ratio nostrum hunc morem  
 non perinde ab exteris,  
 maximè Gallis, arripi atq;  
 æstimari ut meretur. Sed  
 nimirum nos illorum pilas  
 & sphæristeria, quibus pas-  
 sim

sim utimur, efferimus, dum illi pertinaci *φιλαυτία* ineptoque peregrinorum fastidio nostra suis meliora despiciunt. Meridie vel hospitalibus hîc Optimatum mensis, vel lautis etiam privatorum prandiis discumbitur. Inde in suorum quique conclavium secessum ad meridiationem & quietem. Declinante jam in vespereum die, defervescuntibusq; solis ardoribus, viros rursus ad vireta & globos, feminas ad ambulationum amœnitatem leniores auræ pelliciunt. Complures interea, non inficior, vini, quod hîc variis regionibus selectum & multiplex venit, liberiore computatione incalescunt. Sunt qui

qui, dudum invalescente  
 apud nos Turcarum consue-  
 tudine, ad sorbillandum,  
 quem vocabulo barbaro *cof-  
 fee* dicunt, ferventem li-  
 quorem cùm ante meridiem  
 tum vespere convenientes  
 literarum nunciorumque a-  
 micâ communione, ac re-  
 rum domi forisque gestarum  
 commemoratione mutuâ de-  
 lectentur. Sub noctem (quod  
 interdiu quoq; vacuis bal-  
 neorum horis fit) de *Regiâ*  
 præsertim balnei pergulis  
 patentibusq; ædium fene-  
 stris otiosè contemplari li-  
 cet volubilitate artis exi-  
 miâ lusitantes puerulos, &  
 modo audacissimo saltu ex  
 peridromidum crepidinibus  
 ultro ferri, modò summis  
 aquis innatantes, modò ad  
 pro-

projectos teruncios argente-  
osve nummos certatim uri-  
nantes luctantesq; in fundo,  
modò rursus emergentes  
seu supinos seu pronos ten-  
dere, complexuque mutuo  
circumagi veluti turbines  
ac versari, sexcentis deniq;  
modis mirâ quadam volu-  
ptate spectantium oculis se-  
se ingerere. His Bathoniæ  
animorum remissionibus, his  
laxamentis tempus teri-  
tur.

Autoris  
privatæ  
relaxatio-  
nes, & ne-  
cessitudi-  
nes.

§. 30. Extremum illud  
est, ut quæ me hîc specia-  
tim attingunt paucis expo-  
nam. Decimum septimum  
jam diem in balneorum usu  
vix persto. Etenim licet, si  
rheumatismi dolores genua  
potissimum nonum jam  
men-



mensem pungentes excipias, satis robusto sim corpore, viribusque in hac ætate prope juvenilibus, flaccesco nihilominus quotidie animam penè agens præ languoribus extremis quoties è balneo egresso tantulum mihi in lecto sudandum est. Confirmatus tamen ante meridiem nonnunquam solus obambulans libellos quos mecum attuli, pervoluto, inque illis Gualteri Charletoni Caroli primi immortalis memoriæ Regis nostri olim medici *Oeconomiam animale*m, ut ex iis quæ ille de musculis, nervis, tendonibus, arteriis denique ac venis enucleatè tradit, in quâ potissimum parte meum intideat malum, si fieri

fieri potest, edocear à viro  
quem præstantissimum phi-  
losophum juxta ac medicum  
testantur indies edita tot  
fæcundissimi ingenii monu-  
menta, & cujus in me huma-  
nitati plurimum debeo. De-  
lector insuper mirificè sub  
Somersettano hoc cœlo nati  
condiscipuli quondam mei  
atq; etiam nunc amicissimi  
Mauritii Neoporti *Voto can-*  
*dido*, quo ille Carolo secun-  
do Regi nostræ vitam usque-  
quâque felicissimam omi-  
natur, in eoque & suspicio  
priscorum poematis omnino  
parem subactæ dictionis *ἑ-*  
*ρασι*, altissima sensa, nume-  
ros, acrimoniam, & modesti-  
am veneror, quâ ille Musam  
quamvis cultissimam ad Re-  
gia limina his versibus a-  
mandat :

*Perge*

*Perge mihi, qualis, subductâ* Vot. can-  
did. par-  
te 3.  
*messe, puella,*

*Et cui fors obscura domus, &  
curta domi res,*

*Reliquias frugum insequitur,  
contentaq; parco*

*Mergite, fortuitos infert sub  
tectâ labores.*

*Talis es, augustæ talis mihi co-  
meris aula:*

*Ut sumptu, sic sorde vacans.*

Expectari audio Editio-  
nem aliam, eamque emen-  
datiorem cæteris, & longè  
auctiorem. Cæterùm si quis  
error sit, quòd ita de hoc  
poëmate sentiam, erro cum  
non paucis aliis, quos sæpe  
conveni, & profectò ejus-  
modi, quibuscum errare non  
indecorum foret. Hujusmo-  
di

di me comites minùs solum,  
 cùm solus sum, reddunt.  
 Dum sic mecum habito,  
 dum in aulâ musarum ver-  
 sor, ad virorum principum,  
 quos hîc studiosè declino,  
 limina non offendo. Incido  
 tamen hic nonnunquam in  
 medicos, quos Bathonia  
 plures habet quàm A-  
 quisgranum; & (ne qua  
 verbo invidia insit) ni-  
 hilo inferiores. In his Ro-  
 bertum Pierceum, Tho-  
 mam Guidottum, Rober-  
 tum Swaleum politos ad-  
 modùm urbanosq; invenio.  
 Et à Swaleo quidem officiis,  
 usu, consuetudine mihi du-  
 dum conjunctissimo, medi-  
 camentorum rationes acci-  
 pio non affectatis verborum  
 integumentis involutas, sed  
 aper-

apertas & solidas. Ego verò cum Carolo Scarburgio Equite aurato, & Regio pariter, ac Serenissimi Eboracensium Ducis inter præcipuos medico, huc unà Londino advenisse in parte felicitatis duco. Siquidem cum Scarburgium nomino, non Æsculapium modò filium, sed Apollinem quoq; patrem & Musas omnes, atque adeò Charites ipsas dico. Sic ille ad literarum cumulum adjunxit faciles candidosque mores. Illius, dum licet, in consuetudinem altius sanè quàm in balnea ipsa me immergo: illius consilio prorsus dirigor, de ejus denique narthecio panchresta medicamenta gratis prome. In femi-

G narum

narum consuetudinem, quippe rationibus institutisq; meis alienissimam, haud ultro me ingero. Sunt tamen hîc quarum priori notitiâ necessitudineq; mihi cognitarum congressum colloquiûmque, invitato præsertim illectoque tempestivæ benignitatis argumentis vitare neque jam licet, neque integrum est. Singularem equidem gratissimus agnoscere habeo in me comitatem, penè dixerim contubernium convivumq; tum illustrissimæ viduæ Elisabethæ Thimelbeix Comitibus Riveriis progeneræ consanguineæ meæ; tum alterius itidem Elisabethæ D. Georgii Montacutii ex illustrissimis pariter Mancestræ Comitibus

bus procreati, & complures  
 jam annos egregiè de me  
 promeriti lectissimæ conju-  
 gis, quâ cum hîc modò sunt  
 Edoardus filius natu maxi-  
 mus, qui patriarum usque-  
 quaque laudum exemplar  
 imitatus, etiam consimili  
 est in me animo, | & Elisa-  
 betha filia suavissimæ indo-  
 lis virgo, patrisq; (eò mihi  
 charioris quod de te nun-  
 quam nisi honorificè loqui-  
 tur) mel ac deliciæ, *Dulces* Horat. l. 3.  
ode 9.  
*doctæ modos & citharæ sciens :*  
 quæ hodiè manè dum hæc  
 scribo, Crucis balneum pri-  
 mùm ingressa nobilibus co-  
 mitata virginibus gratissi-  
 mum de adverso xysto spe-  
 ctantibus verecundiæ speci-  
 men exhibet :

*Qualis Naiadum decus pudicâ  
 Agle fronte placens: rubente qualis  
 Ore aurora micans: vel inter undas  
 Qualis coralii decor rigentis,  
 Vernantisve rosa. Favete lymphe,  
 Mitesque innocuo in sinu tepete. Hanc  
 Necdum urit Venus, aut ferit Cupido.  
 Virtutis color hic. Procul facessant  
 Turpes nequitia, procaxq; risus:  
 Huic candor comitem dedit pudorem.*

§. 21. Videsquàm candidè,  
 nihil occultans, nihil diffi-  
 mulans tibi profero, quas  
 tute extorques, nugas meas.  
 Ut limatissimum illud atq;  
 acerrimum iudicium tuum  
 non reformidem facit tam-  
 diu mihi cognitus atq; per-  
 spectus amor in me tuus.  
 Neq; enim mihi excidit in-  
 ter eruditas in itinere al-  
 ter-



tercations nataſque ex ſci-  
entiarum, quas apprimè cal-  
les encyclopædiâ quæſtiun-  
culas varias vel ipſam te ſæ-  
pe æquo animo tuliffe loqua-  
citatem meam. Quo mihi  
faciliorem modò excuſatio-  
nis veniam ſperare licet, ſi  
epiſtolæ modum prætergreſ-  
ſus ſeriis tuis tamdiu ob-  
ſtrepere auſus ſum. Dum  
hæc exaro, dum vel abſens  
te alloquor, os mihi tuum  
ante oculos verſatur, foretq;  
hoc ipſum horis ſecundùm  
meridiationem quotidiana-  
nam vacuis, tanquam le-  
videnſe tibi munuſculum  
concinnandi *otium non dulce,*  
*ni tecum ſimul.* Perge tu  
porrò, Comes illuſtriſſime,  
ut cœpiſti, magnæ mentis  
& laudatiſſimæ vitæ decora

*Horat.  
Epod. I.*

(96)

literaturæ omnis ornamen-  
tis cumulare, dum tibi ego  
diuturnitatem gloriæ & fe-  
licium gaudia precor atque  
ominor. Vale.

Bathonæ. VII. Kal.  
Augusti. MDCLXXV.

---

---

A U T O R U M  
Qui hîc citantur Syllabus.

*Antoninus.*

*Aristoteles.*

*Avicenna.*

*Baccius.*

*Baleus.*

*Cambdenus.*

*Capivaccius.*

*Chapmannus.*

*Charletonus.*

*Cicero.*

*Claudianus.*

*Cooperus.*

*Galenus.*

*Gesnerus.*

*Grulingius.*

*Guidottus.*

*Hempelius.*

*Hippocrates.*

*Horatius.*

*Horstius.*

*Jon. sius.*

*Jordenus.*

*Juvénalis.*

*Martialis.*

*Mayow.*

*Neoportus.*

*Petronius.*

*Philander.*

*Pitfeus.*

*Plinius.*

*Ptolemeus.*

*Ruremundanus.*

*Seneca.*

*Solinus.*

*Spartianus.*

*Virgilius.*

# INDEX RERUM.

## A

<b>A</b> Cidula ad Rhenum.	Pag. 5
Amicitia in Bathoniensibus Bal- neis conciliantur.	59, 81
Antliarum Bathonia Usus.	61
Antlia sicca.	64
Aquisgranensium thermarum anti- quitas.	11, 12
Aquisgranensia balnea in diversos al- veos distributa.	57, 58
Aquisgranensium & Porcetanarum a- quarum differentia multiplex.	75
Aquisgranensis basilica.	42, 43

## B

Baccii Xwoyyeaφias error.	16
Balnea intrantes Bathonia quomodo induti.	59, 60
Bal-	

# INDEX.

<i>Balneatōres, &amp; eorum pretia.</i>	61, 63
<i>Balneorum utendorum hora non eadem nobis quæ veteribus.</i>	66, 67
<i>Bathoniensium thermarum antiquitas.</i>	12, 13, 15
<i>Earundem varia nomina.</i>	13, 15
<i>Bathonia descriptio.</i>	38, 39
<i>Bathoniensis primaria ades.</i>	44
<i>Eladudus Britannorum Rex Bathoniensium thermarum inventor.</i>	12, 15, 51
<i>Borbonenses aqua.</i>	70, 75

## C

<i>Cæsarianum Aquisgranibalneum perperam à Baccio Regium dicitur.</i>	58
<i>Caloris thermarum causa.</i>	21, 22, &c.
<i>Campana Bathonienses procul exaudiuntur.</i>	47
<i>Campus Vulcani prope Neapolim qui Sulphuraria dicitur.</i>	23
<i>Carolus Magnus Cæsar Aquisgranensium thermarum instaurator.</i>	14
<i>Caroli Scarburgii Equitis aurati &amp; Regii medici commendatio.</i>	91
	Coffee

# INDEX.

*Coffee potus Turcici apud nos usus.* 85  
*Comparatio thermarum ab antiquitate.*

12, 15

*A locorum situ & balneis ipsis.* 18, 19

*A mineralibus.* 26, 27

*A balneorum utrobique numero & formâ.* 30, 57

*Ab ipsis urbibus.* 38

*Compusii balneum Aquisgrani.* 30, 77

*Cornelianum balneum ibidem.* 27, 30

*Corona pensilis in Aquisgranensi basilicâ.* 43

*Crucis balnei Bathoniensis descriptio.*

D 54, 55

*Delectationum Aquisgrani & Bathonia  
 occurrentium comparatio.* 78, &c.

*Didierus Medicus thermarum potandarum  
 usum primus Aquisgranum introduxit.* 74

*Ducciæ Italarum quales sint.* 62

## E

*Edoardus Carnes Anglia Regum ad Romanos Pontifices Orator.* 17

Edoar-

# INDEX.

<i>Edoardus Mansellus Baronettus Mar-</i> <i>gamii Dominus.</i>	18
<i>Edoardi Montacutii ejusque parentum</i> <i>commendatio.</i>	93
<i>Elisabetha Montacutia nobilis virginis</i> <i>à verecundia laus.</i>	93, 94
<i>Elisabetha Thimelbeia illustrissima vidua</i> <i>erga Autorem comitas.</i>	92
<i>Equinum Bathonia balneum.</i>	20, 33

## F

<i>Fermentatio præcipua thermarum caloris</i> <i>causa secundum Fordenum &amp; Mayow.</i>	24, 25
<i>Fervidi Bathonia balnei descriptio.</i>	56
<i>Fons Asa in Flintensi agro.</i>	4
<i>Fons B. Maria in Denbighensi agro.</i>	4
<i>Fons S. Wenefreda in agro Flintensi.</i>	3
<i>Francisci Stoneri de Stonero Equitis au-</i> <i>rati Munificentia.</i>	50

## G

<i>Georgii Montacutii de Mancestria Comi-</i> <i>tibus præclara in Autorem prome-</i> <i>rita.</i>	93
	Glo.

# INDEX.

*Globorum missilium ludus in Anglia  
qualis.* 82, 83

*Gualteri Charletoni Caroli primi Anglia  
olim medici laus.* 88

*Gulielmi Coi Northamptoniensis ana-  
thema.* 55

*Granus Neronis Caesaris frater Aquis-  
granensium thermarum inventor.*

H 11, 14

*Henrici Mancestriae Comitis in Bathoni-  
ensi templo insignia gentilitia.* 45

*Heydelbergensis dolii praconia.* 9

I

*Jacobae scala in Bathoniensis templi a-  
ditu.* 44

*Jacobi Montacutii Bathoniensis anti-  
stitis monumentum.* 45

*Imperatorum inaugurandorum insignia  
Aquisgrani asservantur.* 17

*Imperii aliquando Caput Aquisgranum.* 17

L

*Lapis vulgo Freestone in balneis quid  
efficiat.*



# INDEX.

*efficiat.*

37

*Leprosorum Bathonia balneolum.*

M

21, 32

*Mauritii Neoporti laudes merita.*

88

*Medicorum Bathoniensium commenda-  
tio.*

90

*Mineralia in thermis qualia.*

27, 28

*Eorum medendi virtutes.*

28, 29

*Montes quid Bathonia ad thermarum  
calorem conferant.*

25, 26

*Mosellani vini Aquisgrani usus.*

79

N

*Natandi peritissimi in Bathoniensibus  
balneis pueruli.*

85

O

*Omittitur iniquè Aquisgranum à Gru-  
lingio recensente Germania thermas.*

16

*Opificum Aquisgranensium industria in  
conficiendis acubus, aeq; conslando.*

79

P

*Parva balnea Aquisgrani.*

30

*Pauperum balnea tum Aquisgrani, tum  
sub*

# INDEX.

<i>Sub dio Porceta.</i>	21
<i>Porcetanaarum juxta Aquisgranum thermarum uebemens calor.</i>	19
<i>Potatio thermarum Aquisgrani noua ad Borbonensium imitationem.</i>	74
<i>Centum abhinc annis Bathonia usitata.</i>	69
<i>Quomodo adhibenda.</i>	71

## Q

<i>S. Quirini balneum Aquisgrani.</i>	30, 77
<i>Quoties renovatis aquis reperiuntur Bathonia balnea.</i>	69

## R

<i>Regii balnei Bathoniensis descriptio.</i>	47
<i>Regina balnei ibidem descriptio.</i>	52
<i>Roberti Piercei Medicina Doctoris Bathoniensis Urbanitas.</i>	90
<i>Roberti Swalei Medicina Doctoris commendatio.</i>	90
<i>Rosa balneum Aquisgrani.</i>	30, 77

## S

<i>Schwalbacensium acidularum virtus.</i>	6, 7
<i>Sitis</i>	

# INDEX.

*Sitis augetur aquâ frigidâ, tepidâ verò  
minuitur.* 72

## T

*Tempora utendi balneis Aquisgrani &  
Bathonia diversa.* 65

*Thomæ Guidoti Bathoniensis Medici ex-  
perimenta & laudes.* 36

## V

*Vinum Bathonianum allatum multiplex.* 84

*Vino Baccharensi inulæ radices im-  
mitti solita.* 8

*Vinum Rhenanum multiplex.* 8

*Urinantes Bathonia pueruli.* 86

## X

*Xystus recens ab illustrissimo Barone  
Brookeo Crucis balneo additus.* 56

# FINIS.